



## Publicaziuns dalla vischnaunca, jamna 3

### **Votaziun cantunala e communal Elecziun cantunala e regiunala**

L'urna principala en casa communal ei aviarta sco suonda:

**Sonda, ils 28-1-2012, 18.30-19.30**  
**Dumengia, ils 29-1-2012, 9.00–11.00**

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 27 da schaner 2012 allas 17.00** tier l'administraziun communal (tel. 081 920 36 36).

### **Levgiament da votar**

Mintga votant(a) ha la pussevkladad da dar giu sia vusch a scret. En gliez mument sto el/ella observar il suadont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar suttascret en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (suppli cau da francar) ni directamein fierer en la scaffa da brevs dalla casa communal.

Ils cedels da votar ston esser **sil pli tard la sonda, ils 28 da schaner 2012 allas 12.00** tier l'administraziun communal. Il certificat dil dretg da votar ei da suttascriber. Senza Vossa suttascripziun cun agen maun ei la votaziun **nunvaleivla**.

*Suprastonza communal Disentis/Mustér*

---

### **Taglia da tgauns 2012**

Naven d'immediat **entochen la fin fevrer 2012** san las marcas da tgauns vegnir retratgas tier l'administraziun communal. La taglia da tgauns munta pigl'emprems tgaun **frs. 120.–**, per mintg'ulteriur tgaun ella casada **frs. 180.– per onn**.

Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinas, per tschocs e suords ein deliberai dalla taglia, ston denton purtar la marca da tgauns.

Nus supplichein da comunicar all'administraziun communal midadas, q.v.d. tals che han retratg 2011 ina marca da tgauns ed han buca pli il tgaun, ni novs possessurs da tgauns. Naven dils 1-1-2007 ston tuts tgauns esser marcai cun in microchip ni cun ina tetovaziun bein veseivla. Il tgaun sto era esser registraus tier la Animal Identity Service AG (Anis), Berna.

Nus supplichein tut ils possessurs da tgauns da risguardar quellas prescripziuns. Plinavon fagein nus attents Vus sin suadontas prescripziuns:

### **Cuors da tgauns – cuors obligatori**

#### ***Cuors teoretic, artechel 68 alinea 1, ordinaziun davart la protecziun d'animals***

Tgi che ha aunc mai possedi in tgaun ei obligaus d'absolver il cuors teoretic avon che cumprar in tgaun. Quei vala per mintga possessur da tgauns che sa buca demussar ch'el ha gia possedi in tgaun avon ils 1-9-2008.



***Cuors practic, artechel 68 alinea 2, ordinaziun davart la protecziun d'animals***

Enteifer igl emprum onn da cumpra sto mintga possessur cumprovar il mussament dil cuors practic. Quei vala per mintga tgaun che vegn ni ei gia vegnius cumpraus suenter ils 1-9-2008. Quei cuors sto vegnir absolvius cun mintga niev tgaun.

Igl attest dil cuors sto vegnir presentaus tier la retratga dalla marca da tgauns per igl onn 2012. Ulteriuras informaziuns anfleis Vus sut [www.bvet.admin.ch](http://www.bvet.admin.ch) ni sut [www.fludog.ch](http://www.fludog.ch).

*Administraziun communal Disentis/Mustér*

---

**Controlla da habitonts**

***Mortori***

Giacomo Dotti-Baumgartner, naschius ils 22-9-1932, morts ils 14-1-2012.

---

**Apparats d'udida**

**Gliendisdis, ils 30 da schaner 2012** saveis Vus schar schubergiar e regular Vies apparat d'udida en Casa da tgira Sursassiala a Mustér e Curaglia:

**a Mustér naven dallas 14.00 tochen ca. las 15.15**  
**a Curaglia naven dallas 15.30 tochen ca. las 16.30.**

L'union Pro Audito Chur, cun Arthur Jacomet fa quei survetsch per tuts interessents gratuitamein.

*Cordial invit Casa da tgira Sursassiala*

---

**Banca Raiffeisen Cadi**

***Preavis radunonza generala 2012***

La radunonza generala dalla Banca Raiffeisen Cadi ha liug

**venderdis, ils 13 d'avrel 2012 allas 20.00 el center  
da sport a Mustér.**

*Banca Raiffeisen Cadi  
cussegl d'administraziun*

---

**Pendicularas Mustér**

**Naven dils 9 tochen ils 27 da schaner 2012** envidan las Pendicularas Mustér 3000 tut las senioras e seniors dad ir gratuitamein cun la pendiculara a Caischavedra ed anavos.

Bergbahnen Disentis 3000  
Via Acletta 2  
7180 Disentis

tel: +41 (0)81 920 30 40  
[www.disentis3000.ch](http://www.disentis3000.ch)



### 100 onns RhB

La fin d'jamna dils 16/17 da zercladur 2012 vegn festivau a Mustér il giubileum da 100 onns dil tschancun dalla Viafier retica naven da Cuera a Mustér. Quei ei motiv avunda d'organisar cheu a Mustér ina gronda fiasta per in e scadin. Nudei pia quei termin per che Vus sappies era esser dalla partida. Ei vegn a dar ina biala fiasta cun atracziuns da tuttas sorts, cun musica, div. occurrenzas, presentaziuns, spezialitads culinaricas, empau nostalgias, exposiziuns, giugs ed aunc bia auter.

En mintga cass vegn ei ad esser ina bun'ocasiun da seser empau ensemen en emperneivla cumpignia e da guder las numerusas purschidas.

*Sin in bien seveser selegra il comite d'organisaziun*

---

### Center da cultura lungatg e formaziun Surselva *Concurrenza da malegiar, zambergiar e crear per affons e giuvenils*

Mira sut Laax!

---

### Referat da Renzo Caduff a Laax

Mira sut Laax!

---

### Uniun da dunnas Medel: Tura cun gianellas

Mira sut Medel/Lucmagn!

---

### Ludoteca Mustér

**Liug/Ort:** Halla Cons, tel. 076 494 39 92

**e-mail:** [ludoteca@disentis.ch](mailto:ludoteca@disentis.ch)

### Uras d'avertura/Öffnungszeiten:

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

Naven dils 26 da december 2011 entochen ils 6 da schaner 2012, pia duront las vacances da Nadal e Daniev, resta la ludoteca Must.r serrada. Naven dils 9 da schaner 2012 ei il team dalla ludoteca puspei cheu per Vus.

Nus engraziein per Vossa capientscha.

Il team dalla ludoteca Mustér giavischa bialas e ruasseivlas fiastas da Nadal e pigl onn niev tut bien.



**Biblioteca populara Mustér**

**Liug:** Casa da scola, tel. 081 947 52 90, biblioteca@disentis.ch

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

**La biblioteca ei aviarta:**

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !  
Nus selegrein da mintga viseta.

*Biblioteca populara Mustér*